

(28) ليه يا صاحبي

الأولة آه
من صاحب ياريتني ما صاحبتـوش
قدمت له السبت يوم الحد ما لقيتـوش

والثانية آه
أكل عيشي وملحي وقال دا ما عندوش

والثالثة آه
قدمت لـه الشهد المُر ساقاني
راح لعوازلي وعشانهم عاداني

ليه يا صاحبي تعادينني
كنت بـروح لك وتجينني
ليه م المُر بتسقينني
ليل ونهار تبكينني
كنت أقرب مـاليه
واغلي من روعي وعنية
شمّت العوازل فيـه
قول لي منين جبت الأسية

ليه يا صاحبي تعادينني
كنت بـروح لك وتجينني
ليه م المُر بتسقينني
ليل ونهار تبكينني

قبل ما تصاحب إسأل ع الخال

دا لو أصيل يبقي ابن اخته عال

ولو عويل يبقي فرع ومال
ما يشيلشي عنك لو الحمل مال
مهما تدي له ما بيظمر فيه
ليه يا صاحبي تعادينني
ليه م المُر بتسقينني
آه من صاحبي آه ياني
خلاص ها عيش تاني وحداني
راح اجفف دمع عيوني
واخف عن كتفي حمولي
ليه يا صاحبي تعادينني
ليه م المُر بتسقينني

عـاوز ينقطع لازم ينشال
والصبح يبيعك بأقل المال
ولمّا تعوزه ما بتلاقيه
كنت بـروح لك وتجينني
ليل ونهار تبكيني
اللي جرحني وبكاني
وعمري ما ابكي واقول ياني
وانسي كل اللي نسيوني
عشان ما يشمت فيّه عزولي
كنت بـروح لك وتجينني
ليل ونهار تبكيني
